

方甚失農慶分二次題給京倉事言于戶曹及賑恤廳○夜異  
方有氣如火○平安道平壤江西龍崗三和等邑落虫害穀○  
戊午陳慰使安珹進香使趙士秀書狀曰臣等到廣寧聞見則  
黃眼獐子前日擾害大原府石州等處真定保定兩府亦與石  
州連境故兵部徵遼東軍馬六千游擊將軍楊惟大簿翰等率  
領真定等府赴防兵器載車則一百五十兩云傳于政院曰前  
日三衛獐子及小皇子獐子作耗中原云故朝廷至為驚慮此  
黃眼獐子與小皇子獐子同耶異耶問于大臣○大司憲宋純  
以母病呈辭傳曰在京則可以給由待藥此在外方憲官之長  
不可以曠其適之○傳于政院曰前日刑曹以為典獄囚人洩  
病多死依前例移囚于古兵曹兵曹以為久遠文書及軍士布物  
藏在以移囚為未便古時亦非偶然計之而移囚于其處不得已  
欄牆牢固處乃可軍士布物之藏亦始於前年移置甚易文書  
則堅封深置刻日移囚可也刑獄之間死者相繼况洩病乎○  
已未承文院都提調三啓曰黃眼獐子可考文書詳盡通查無